

Naqqiut

Siunnersuummut 10. august 2018 ullulerneqartut taarsiut

Tunnqavilersuut

Siunnersuutip kalaallisuuani § 18, imm. 4-mi aamma § 46 a, imm. 1, nr 1-mi oqaasertaliussanik allannguisoqarpoq.

Uunga siunnersuut: Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersoq.

(Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut isertitassanut tunnqavissat annertusineqarnerat, innersuussutip naqqiissuteqarfigineqarnera, pisortat ataatsimoorussamik IT atorlugu aaqqiissuussinerat aamma missingersuutit oqimaaqatigiinnerat pillugu §§ 2-5-imik atorunnaarsitsigallartarnek)

§ 1

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni nr. 26, 28. november 2016-imeersumi makkua allanngortinneqarput:

1. § 18, imm. 3 aamma 4, imatut oqaasertalerneqarput:

” Imm. 3. Aningaasaateqarfimmut akiliutit nuunneqartassapput immikkut ittumik isertitanit ukunangga:

- 1) Ingerlatseqatigiiffiit nunanit allaneersut aatsitassarsiornermi misissuinerannut sanaartornerannullu atatillugu ingerlatseqatigiiffiup akileraarutaanit 30 mio. kr.-nik amerlanerusunit Nunatta Karsiata iluanaarutaanit pissarsiat,
- 2) Aningaasarsianit akileraarutit pillugit Inatsisartut Inatsisaanni § 72 a aamma § 72 b naapertorlugit akileraarutit A-t.
- 3) Namminersorlutik Oqartussat pigisaannik 50 mio. kr.-t sinnerlugit nalilinnik tunisaqarnermit iluanaarutit.
- 4) Soraarnerussutisiassanik imaluunniit inuunermut sillimmasiisimanernik Danmarkimi, Savalimmiuni nunaniluunniit allani soraarnerussutisiassanut aningaasaateqarfimmut nuussinernit imaluunniit inuunermik imaluunniit soraarnerussutiassanut sillimmasiisarfiimmit Kalaallit Nunaanni najugaqartumit akileraarutinit akitsuutinillu iluanaarutit.
- 5) Ingerlatsineq, sanaartorneq aamma taarsigassarsititsineq pillugit nunap karsiata naatsorsuutaanni sinneqartoorutit.

Imm. 4. Iluanaarutit imm. 3, nr. 1-4-imi taaneqartut, tiguneqarnerisa kingorna piaartumik aningaasaateqarfimmut nuunneqassapput. Sinneqartoorutit imm. 3. nr. 5-imi taaneqartut, Inatsisartut nunap karsiani naatsorsuutinik akuersissuteqareernerisa kingorna piaartumik aningaasaateqarfimmut nuunneqassapput.”

2. § 23, imm. 1, imatut oqaasertalerneqarput:

” § 23. Ukiumoortumik missingersuutini naatsorsuutit kommunalbestyrelsip ukiumoortumik naatsorsuutini akuersissuteqarnermini aningaasaliissuteqarfissanut tunngatillugit isummerfigisai § 21, imm. 4 naapertorlugu kommunip ingerlatsineranut pisussaaffiliipput.”

3. § 32-imi imm. 3-tut ilanngunneqarpoq:

” Imm. 3. Inatsisartunut qinersinerup malitsigisaanik upernaakkut ataatsimiittoqanngippat, imm. 1-imi taaneqartoq nalunaarusiaq, Kalaallit Nunaanni maannakkut aningaasaqarnikkut inissisimaneq pillugu Inatsisartunut allakkatigut ilisimatitsissuteqarnermik, taarserniarlugu Naalackersuisut aalajangersinnaapput.”

4. § 46 kingorna kapitalitut ilanngunneqarpoq:

” **Kapitali 7 a**

Pisortani ataatsimoorusaq IT pillugu suleqatigiinneq”

5. § 46-ip kingorna kapitali 7 a-mi ilanngunneqarpoq:

” § 46 a. Naalackersuisut makkua pillugit maleruagassanik aalajangersaasinnaapput:

- 1) Kommunit aamma Namminersorlutik Oqartussat ataatsimoorlutik IT atorlugu periaatsimik pisortani ataatsimoorussamik pissarsinissamat, ingerlatsinermut ineriartortitsinermullu aaqqissuussaaneermik pilersitsissasut. Naalackersuisut tassunga ilanngullugu aaqqissuussaaneq qanoq siulersorneqassanersoq, IT atorlugu periaatsit pisortani ataatsimoorussatut isigineqartariaqarnerannut tunngavissarititaasut suusanersut, aaqqissuussaaneermi aningaasartuutit kommunit aamma Namminersorlutik Oqartussat akornanni agguarneqassanersut, aaqqissuussaaneermi kommunit aamma namminersorlutik Oqartussat saniatigut allat sullillugit suliassanik suliaqartoqarsinnaanersoq il.il., maleruagassanik aalajangersaasinnaapput.
- 2) Naalackersuisut aammattaaq aalajangersinnaavaat, kommunit aamma Namminersorlutik Oqartussat IT atorlugu periaatsit pisortani ataatsimoorussat suut atussaneraat. ”

Imm. 2. Naalackersuisut kommunit aamma Namminersorlutik Oqartussat erseqqinnerusumik aalajangikkatut annertussusilimmik paasissutissanut nalunaarsukkanut akisussaaffik aaqqissuussaaneernut imm. 1-imi taaneqartunut suliakkiunneqassasoq, Naalackersuisut aalajangersinnaavaat.

6. § 49-ip kingorna § 50-itut ilanngunneqarpoq:

” § 50. §§ 2-5-imi aalajangersakkat piffissami 1. januar 2019 - 31. december 2021 atuutissanngillat, taamaattoq takuuk imm. 2.

Imm. 2. Naalackersuisut nalunaarummi piffissaq atorunnaarsitsiviususaaq imm. 1-imiittoq sivikillisinnaavaat.”

§ 2

Inatsisartut inatsisaat ulloq 1. januar 2019 atuutilerpoq.

Namminersorlutik Oqartussat, ulloq xx. xxx 2018

Kim Kielsen